

# Salim takis pepa i go

Toksave Pepa Bilong Ol Wokmanmeri Bilong Pasifik Na Timor-Leste Long Australia



Olgeta longpela taim wokmanmeri ananit long PALM Scheme i mas salim takis pepa taim ol kisim pe bilong ol, long olgeta yia ol i save wok long Australia.

Olgeta yia bilong takis ol i save stat long de namba 1 Julai i go inap long de namba 30 Jun. Olgeta gavman, bisnis na wanem kampani ol i save skelim gut ol moni ol i kisim o lusim long wok bilong ol.

Sampela yia gavman bai i no inap toksave long yu olsem yu mas stretim takis pepa o ripot – tasol em i no olsem takis ripot bilong yu ol i no luim pinis.

Dispela toksave pepa hia em i toksave long yu olsem wanem bai yu wokim insait long takis pepa bilong yu na toksave pepa hia em i save halpim ol wokmanmeri long stretim takis bilong ol.

## Husat tru bai i mas putim takis pepa long Tax Ofis?

Ol wokmanmeri long Australia we ol i wok ananit long Pacific Australia Labour Mobility [PALM] scheme em ol mas putim wanpela **tax return form** sapos ol i wok inap 1 i go long 4 yia.

Ol wokmanmeri long sot taim wok [inap long 9 mun tasol] ol i no inap long putim wanpela tax return form.

## Takis pepa em wanem samting?

**Takis:** Moni yuu peim pinis long Gavman. Ol Gavman i save yusim takis moni long baim ol kain samting na servis yumi save yusim olgeta taim, olsem helt na komuniti servis, defens bilong kantri, na ol skul wantaim ol kain samting olsem ol rot na railway. Ol dispela samting i save kamapim gutpela laif bilong olgeta manmeri i stap long Australia.

**Takis toksave pepa:** Sapos ol rausim takis long pe bilong yu insait long wanwan yia (olsem sapos yu wok long sampela taim namel long mun Julai 2021 inap long June 2022, orait yu mas putim takis pepa i go long Gavman,

## Dispela i save wok olsem wanem?

Sapos yu wok, bai yu baim takis long pe yu kisim. Em takis ol rausim insait long wanwan yia long taim yu wok na lampani i baim yu.

Kampani yu wok long en bai i rausim takis moni long pe bilong yu na salim i go stret long Australian Takis Ofis (ATO) long nem bilong yu. Dispela ol i kolim Pay As You Go (PAYG). Dispela ol i save wokim long helpim yu bai yu no inap kisim bikipela takis long pinis bilong wanwan yia. Bai yu

luksave haumas takis ol i rausim long pe bilong yu long pe pepa ol i raitim na gimim yu.

Taim long wan wan wok-yia i save pinis long mun Jun, bai ol ATO bai skelim pinis haumas tru dispela kampani yu wok long en i rausim pinis long pe bilong yu insait long dispela yia. Olsem bai ol inap long skelim bai yu kisim bek sampela moni o bai yu mas baim sampela takis moa.

## Bai yu inap kisim bek moni long ATO?

ATO i no tok olsem bai yu mas kisim bek sampela takis moni olgeta taim. Stori bilong yakis bilong wanwan manmeri i narapela kain, olsem na sampela bai i kism bek sampela moni, na sampela mas baim sampela moa takis moni i go long ATO. Yu no ken ting bai oltaim yu kisim bek sampela takis moni.


## Bai mi salim takis pepa i go we?

**Sapos yu salim long Akaun Kampani o i go stret long Takis Agen – bai yu mas baim ol.**

Ol manmeri husat i save stretim takis pepa bilong yu bai ol inap yu baim ol olsem \$100 inap long \$200 long stretim takis pepa na salim i go long ATO long nem bilong yu. Yu mas askim ol long haumas bai yu baim ol na sapos yu wanbel long baim dispela pastaim long ol i stat long stretim takis pepa bilong yu.

**Sapos yu yet salim i go stret long Australia Takis Ofis (ATO) – bai yu nogat baim long dispela.**

Yu yet inap long go long kamputa long internet na yusim MyGov akaun bilong yu. Em nogat baim long dispela tasol yu bai i wokim dispela yu yet.



# Salim takis pepa i go

Toksave Pepa Bilong Ol Wokmanmeri Bilong Pasifik Na Timor-Leste Long Australia

## Bai haumas taim long ol bai pinis long stretim takis moni bilong mi?

Tingim, i no inap ol bai tokaut long yu long wanem taim tru bai yu baim ATO inap ol i stretim gut takis bilong yu. Sampela taim ATO bai nidim sampela mun long oraitim takis pepa yu salim long ol. Yu mas stap isi na wetim ol tasol, long wanem i nogat we long yu long hariapim dispela wok.

## Bai mi mekim wanem long salim takis return form?

**Online income statements:** Bai yu painim wanpela online income statement we i soim haumas pe na takis ol kampani i rausim pinis bai kampani yu wok long en i mas givim yu long wanwan yia yu wok long ol. Kampani bilong yu bai givim dispela long yu na tu yu yet inap painim long MyGov akaun bilong yu.

**Ol receipt long yu baim ol samting bilong wok:** Em karamapim ol klos bilong yu long wok, travel yu baim na ol wok klos bilong lukautim yu long ples bilong wok. Ol samting yu baim long yusim long wok em inap yu askim long rausim long income bilong yu long tax.

## Wanem taim bai yu mas salim takis pepa go long ato?

Yu mas salim takis pepa bilong yu namel long 1 Julai na 31 Octoba.

Sapos yu salim takis pepa i go bihain long dispela taim, nogut ol sasim yu long moni gen

## Baim bilong medicare

Sapos pe bilong yu i kamap moa long \$22,398 long wanpela yia bai yu mas raitim wanpela Medicare Entitlement Statement bai yu no inap long baim medicare Levy yakis. Yu inap painim dispela Medicare Entitlement Statement pepa long: [www.servicesaustralia.gov.au/individuals/forms/ms015](http://www.servicesaustralia.gov.au/individuals/forms/ms015).

Bai yu mas kisim dispela Medicare Entitlement Statement bilong yu bai ol i salim long pos ofis na bihain yu inap stretim takis pepa bilong yu.

## Long kisim moa toksave

### Painim long Australian Tax Office

Putim nambawan tax return pepa | Australian Taxation Office ([ato.gov.au](http://ato.gov.au))



Yu inap long statim wanpela MyGov akaun

[www.ato.gov.au/business/single-touch-payroll/single-touch-payroll-for-employees/setting-up-your-mygov-account/](http://www.ato.gov.au/business/single-touch-payroll/single-touch-payroll-for-employees/setting-up-your-mygov-account/)

## Ol sampela we bilong salim takis pepa i go

### NAMBA 1

Lukim income statement bilong yu. Em bai stap long MyGov long 14 de bihain long 1st July.

### NAMBA 2

Sapos yu yet bai salim takis pepa bilong yu online, plis go long MyGov na bihainim ol toksave i stap.

Sapos yu kisim wanpela save manmeri long halpim yu (olsem wanpela akaun or husat i save long stretim takis),

- Painim wanpela akaun manmeri o takis agent long ples klostu long yu – traim na askim ol wanwok o bos bilong yu long halpim yu long dispela.
- Bai yu mas stretim taim bai ol i oraitim yu long yu go kamap long opis long wokim dispela. Bai yu mas soim ol opis lain long ol samting yu baim na ol receipt pepa samting long ol dispela.
- Yu mas save olsem bai yu baim ol lain long halpim yu long dispela. Sampela lain manmeri long halpim yu long takis samting bai orait long kisim pe long dispela i kam aut long takis refund yu bai kisim bihain.

### NAMBA 3

Ol lain long ATO o dispela agent i halpim yu bai toksave long yu olsem bai yu gat dinau long takis, o bai ol ATO inap bekim sampela takis bilong yu baim pinis. Tingim: sapos yu gat dinau, bai yu mas askim ATO long hau bai yu stretim baim bilong ol dispela dinau.

## Yu gat sampela moa askim?

### Sapos yu laikim moa information:



- askim ol narapela wokmanmeri o tim bos bilong yu
- askim bos bilong kampani bilong yu inap halpim yu
- askim sampela save manmeri klostu long yu olsem long sios o sport klab yu save go long en
- ringim ol lain bilong PALM sapot sevis lain fone namel long 7am na 7pm long namba: 1800 51 51 31
- ringim ATO long: (13 28 65)

